



KNI A/S-ip pasinapiluttoqarneranik kalerriisinnaatitsinermik aaqqissuussaa

KNI A/S

KNI-mi siulersuisunut saqqummiunneqarpoq akuerineqarlunilu ulloq 2. oktober 2024.

IMAI

| | |
|--|----|
| 1. Siunertaa | 3 |
| 2. Kikkut nalunaarsinnaatitaappat? | 3 |
| 3. Kikkut pasinapiluttoqarneranik kalerriisinnaatitsinermik aqqissuussaq atorlugu nalunaaruteqarsinnaappat? | 3 |
| 4. Pissusissamisuunngitsoqarneranik pasitsaassaqaarsimaguit sumut nalunaarutiginnissavit? ... | 4 |
| 5. Kinaassutsimik isertuussineq | 4 |
| 6. Nalunaarutiginninnermi paasissutissat suut ilanngunneqassappat? | 5 |
| 7. Pisoq qanoq suliarissavarput? | 5 |
| 8. Misissuineq..... | 7 |
| 9. Nalunaarutiginnittup kinaassusaa qanoq illersorneqarsinnaava?..... | 8 |
| 10. Suliamut tunngasut suut nalunaarutigineqartumut inunnullu allanut ilisimatitsissutigineqassappat?..... | 9 |
| 11. Inuit nalunaarsorsimasut qanoq pisinnaatitaaffeqarpat? | 10 |
| 12. Paasissutissat inummut tunngasut qanoq pineqassappat?..... | 10 |

1. Siunertaa

KNI A/S-imi pasinapiluttoqarneranik kalerriisinnaatitsinermik aqqissuussaq whistleblowerimik aqqissuussinermi siunertaavoq paasissutissat kiisalu pissusissaanngitsumik iliornerit suliffeqarfiup nammineq suliarisinnaanngisai arlaannaanulluunniit attuumassuteqanngitsumit tiguneqartarnissaat kiisalu suliarineqartarnissaat.

Suliffeqarfimmi annertuunik peqquserluttoqarneranik imaluunniit pissusissamisuumngitsunik pisoqarneranik tunngasut ilisimalersimagaanni, suliffeqarfiullu aqutsisuisa sulisoqarnermullu immikkoortortaqarfiup suliarisinnaanngikkaa nalilerneqarpat, sulisut imaluunniit suleqatigisartakkat avataaneersut ilisimalersimasartik nalunaarutigisinnaavaat.

2. Kikkut nalunaarsinnaatitaappat?

KNI A/S-imi sulisut tamarmik kiisalu KNI A/S-imi siulersuisut tamarmik pasinapiluttoqarneranik kalerriisinnaatitsinermik aqqissuussaq ilisimasamik ingerlatseqqissinnaanermut periarfissaqarput aammalu kinaassutsimik ersersitsisuumngitsumik ilisimasamik nalunaarutigineqarsinnaapput.

3. Kikkut pasinapiluttoqarneranik kalerriisinnaatitsinermik aqqissuussaq atorlugu nalunaaruteqarsinnaappat?

Pissusilersornerit naapertuutinngitsut, unioqqutitsinerit imaluunniit KNI A/S-imut, inuilluunniit ataasiakkaat inuunerannut peqqissusaannullu tunngatillugu, annertuumik unioqqutitsisoqarneranik pasitsaassaqaraanni, assersuutigalugu KNI-p nammineerluni politikkiinik unioqqutitsinernut tunngasut, sulisut nalunaaruteqartarnissaannik kajumissaarneqarput. Uuma siuliani taaneqartut eqqarsaatigalugit nalunaarutigineqarsinnaasut suussusaat tamakkiisumik allattorneqarsinnaanngillat. KNI A/S-imiit naatsorsuutigineqarpoq pisuni matuma kinguliani taaneqartunut tunngasut ilumoortumik pasitsaassaqarfugalugit nalunaarutigissagitit:

- a) pinerlulluni iliuutsit
- b) naapertuilluannngitsunik imaluunniit salloqittaaniutinik iliuutsinik ingerlatsinernillu, tamatumani makku ilanngullugit:
 - KNI A/S attavigisartakkalluunniit pillugit eqqunngitsunik imaluunniit pututitsiniaalluni oqaaseqarnerit imaluunniit taama iliortunik akuersaaginnarnerit
 - nammineq iluaqutigisinnaasamik pineqarnissamik imaluunniit akissarsitinneqarnissamik angusaqarumalluni pissusissamisuumngitsumik sunniiniaanerit, tamatumani akiliilluni peqquserlutsitsinerit, akiliisitsinerit imaluunniit arlaannut taarsiutitut akiliisitsinerit
 - eqqunngitsunik imaluunniit pututitsiniutaasunik piaaraluni nalunaarusiornerit, akuersissusiornerit, oqaaseqaateqarnerit imaluunniit sulisunut, pisisartunut, suleqatigisartakkanut, pisortat ingerlataannut atorfilittanulluunniit uppernarsaasiilluni nalunaarusiornerit
- c) assigiinngisitsinerit imaluunniit nikanarsaanerit
- d) naatsorsuuserinermi, suliffiup iluani naatsorsuuserinermi nakkutilliinermi, kukkunersuuserinermi aningaasatigullu tunngasuni, aningaasanik nakkutigisanik peqquserlunnerni, peqquserlulluni allagaasiornerit naatsorsuuserinermilu pasinarsaajunnaanermut atatillugu eqqunngitsumik iliuutsit
- e) avatangiisit pillugit inatsisinik avatangiisimillu mingutsitsinermi annertuumik unioqqutitsinerit

- f) sullivimmi avatangiisinut tunngasuni sulinermilu isumannaallisaanermi annertuumik unioqutitsinerit
- g) KNI A/S-imi pissuserissaarnissamut malittarisassanik unioqutitsinerit, assersuutigalugu nukersorniarlutut pissusilersornerit, sulisunut allanut sioorasaarinerit imaluunniit kinguaassiutitigut kannguttaatsuliorfiginninnerit
- h) Imigassanik aalakoornartortalinnik ikiaroorartunillu atuineq pillugu KNI A/S-i-p malittarisassaanik unioqutitsinerit, nalunaarutiginninnerlu pissaaq unioqutitsisoqaraluarpat inuup inuuneranut peqqissusaanullu pingaarutilimmik sunniuteqarsinnaappat
- i) matuma siuliani taaneqartut saqqummiunneqarnissaannut pinngitsoortitsiniaanerit

Pasinapiluttoqarneranik kalerriisinnaatitsinermik aqqissuussamik politikki naapertorlugu pissutsit annikinnerusut nalunaarutigineqartussaangitsut ilaatigut makkuupput:

- a) ulluinnarni sulinermut tunngatillugu naammagittaalliuutit imaluunniit ulluinnarni sulisunut tunngasut, assersuutigalugu sulisut akornanni aamma/imaluunniit aqutsisunut tunngatillugu aqqiagiinnginnerit
- b) kattuffinnut sulianut tunngassutillit imaluunniit sulinngitsoornerit
- c) imigassamik aalakoornartortalimmik aangajaarniutinillu atuinerlutit tunngatillugu KNI A/S-ip malitassaanik unioqutitsinerit, tamatumanili pineqanngillat taamatut unioqutitsinermi isumannaallisaanermi inatsisinik, politikkinillu allanillu unioqutitsinerit

Kingullertut taaneqartuni unioqutitsisoqartillugu KNI A/S-imi aqutsinikkut nalinginnaasumik periutsini aqutissat atorlugit nalunaarutigineqassapput.

4. Pissusissamisunngitsoqarneranik pasitsaassaqaarsimaguit sumut nalunaarutiginnissavit?

KNI A/S-imi inatsisilerituut Arctic Law Greenland ApS isumaqatigiissusiorfigineqarnikuupput, taakkulu nittartagaat www.arcticlawgreenland.gl aqutugalugu KNI-miillu isertaatit atorlugit internetsikkut nalunaarutiginnissinnaavutit. Saaffiginnissutit kinaassutsimik isertuussilluni pissaaq, saaffiginnittullu kinaanera elektroniskimik paasinarneqassanani. Eqqartuussissuserisut ilassutissanik allanik apeqquteqarnissaannut e-mailimik attavigineqarsinnaasumik paasissutissiinissat kajumissaarutigaarput, nalunaarutiginninnissamulli e-mailimik paasititsinissaq pisariaqanngilaq.

Eqqartuussissuserisunut oqarasuaammut 321252-imut sianerlutit oqaatsitigut aamma nalunaaruteqarsinnaavutit, sianeruit nalunaaruteqarniarlutit paasititsissutigissavat suliffeqarfillu sorleq pinerlugu aamma taassallugu kiisalu nalunaaruteqarnissanni kalaallisut qallunaatulluunniit nalunaaruteqarniarnerlutit ilanngullugu paasititsissutigissallugu. Nuummi pissappat nammineq ornigullutit naapitarumasinnaavutit.

5. Kinaassutsimik isertuussineq

Nalunaarutiginnittut kinaassutsinnik isertuussinnaavutit, nalunaarutigineqartulli misissorneqarnissaa ajornannginneroqqullugu atimik taasinissaq innersuussutigineqarpoq. Kinaassutsinnik isertuussinissaq aalajangiussimagukku nalunaarutiginnittup kinaassusaa nittartakkami aqutsisup imaluunniit sullissisussat paasiniaanissaat teknikkikkut ajornarpoq. Kinaassutsinnilli taasisimangikkaluaruilluunniit attaveqaaqateqarnissaq ajornanngilaq, nalunaarutiginnittarnermut tunngatillugu immikkoortoq takuuk.

Inuit ilaasa kinaassutsiminnik taasiumanggissinnaasernerat KNI A/S-imiit paasineqarsinnaalluarpoq, taamaakkaluartorli kinaassutsivit taanissaa kaammattuutigaarput. Kinaassutsimik isertuussinissamik aalajangersimaguit nalunaarutiginnitullu e-mailimik attavigineqarsinnaasumik paasissutissiisimaguit, eqqartuussissuserisut pasinapiluttoqarneranillu kalerriisinnaatitsinermik aqqissuussami suliaqartut nalunaarutiginnittutut attaveqarfigisinnaavaatsit.

Ilisimassavat pasinapiluttoqarneranik kalerriisinnaatitsinermik aqqissuussaq atorlugu nalunaarutiginninneq qarasaasiakkut KNI A/S-ip attaveqaasersorneranut qarasaasianik atortuutaatigut internetsikkulluunniit attaveqarneratigut pisimappat IP-adressekkut aamma/imaluunniit maskinap sorliunerata ilisarnaataa atorlugu misissuisinnaaneq ajornanngimmat.

Kinaassutsinnut tunngatillugu paasissutissanik tunniussiniarlutit aalajangersimaguit nalunaarutigisallu annertuumik unioqqutitsinerusimappat paasissutissat tunniussatit kinaassutsimik ersersitsisuunngitsumik ilisimasamik ingerlatseqqissinnaanermut aqqissuussaaneq suliallit suliffiup avataani ingerlataqartuusut oqartussanut ingerlatitseqqinnissaminnik pisussaaffeqarput. Taamatullu pisoqassappat paasissutissat ilinnut tunngasut tunniunneqarnissaannut tunngavilersuutinik allakkatigut paasitneqassaait.

6. Nalunaarutiginninnermi paasissutissat suut ilanngunneqassappat?

Nalunaarutiginninnerup ilumut tutsuiginartuunerata nalilerneqarnissaanut paasissutissat matuma kinguliani taaneqartut iluaqutaassapput:

- Nalunaarutiginnittup atia, sumi suliffeqarnera attavigineqarsinnaanermullu paasissutissat
- Unioqqutitsinertut pisimanerarneqartumik nassuiaat, unioqqutitsinermilu inuit pineqartut atii ilanngullugit, unioqqutitsineq ullulerlugu sumilu pisimanera
- Taamatut unioqqutitsisoqaratarsimasinnaanerup peqqinnissaa ilimanaateqarpa? - taamaassappat nassuiaruk sumi aamma qanga?
- Inuit allat KNI A/S-imiittut imaluunniit avataaniittut unioqqutitsineq ilisimavaat imaluunniit ilisimassagaat naatsorsuutigineqarpa, immaqalu allanik ilisimannittoqarpa?
- Pisoq sulisunit, qullersanit siulersuisunillu ilisimaarineqarluni toqqorterniarneqarsimanersoq
- Unioqqutitsisoqaratarsimasinnaaneranik pasitsaassamut tunngasunik uppernarsaataasinnaasut pappiaqqalluunniit takussutaasinnaasut
- Paasissutissat allat misissueqqissaanermut iluaqutaasinnaasut qujarunneqassapput

Sapinngisamik piviusoq kisiat sammissavat pineqartumullu eqqarsaatersornerit pinaveersaarlugit.

7. Pisoq qanoq suliarissavarput?

7.1 Nalunaarutigineqartoq Arctic Law-ip nittartagaatigut nalunaarutigineqartillugu

Arctic Law Greenland ApS-imiit nalunaarutigineqartoq ilumut tutsuiginarnersoq siullermik nalilerneqassaaq, nalunaarutigineqartullu tutsuiginarnerata misissuivigineqarnissaanut naleqquttunik iliuuseqartoqarsinnaanissaanut inassuteqarnissamut misissuutitsissallutik.

Tassunga atatillugu Arctic Law Greenland ApS-imiit ilaatigut makku naliliivigineqassapput:

1. unioqqutitsisimaneq pasinapiluttoqarneranik kalerriisinaatitsinermik aqqissuussakkut ingerlatseqqissinnaanermut nalunaarutigineqarsinnaasutut misissorneqartussatullu suliassaanersoq
2. nalunaarutigineqartoq KNI A/S-imi sulisuunersoq, siulersuisuni ilaasortaanersoq, avammut noqqaasarfiunersoq, siunnersortaanersoq imaluunniit inuit allat KNI A/S-imut attuumassuteqartuunersut aamma
3. nalunaarutigineqartoq inummit KNI A/S-imut attuumassuteqartumit nalunaarutigineqarnersoq

Piumasaqaatinut matuma siuliani taaneqartunut nalunaarutigineqartoq eqquutsitsinngippat nalunaarutigineqartoq peerneqassaaq, aqqutissallu eqqortut atorlugit nalunaaruteqassasoq nalunaarutiginnittoq innersuunneqassaaq, nalunaarutiginnittulli attavigineqarsinnaanissaminut paasissutissiisimangippat ilisimatitsisoqassanngilaq.

Nalunaarutigineqartup peerneqannginnerani Arctic Law Greenland ApS-imiit pasinapiluttoqarneranik kalerriisinaatitsinermik aqqissuussami suliaqartut peqatigalugit nalilerneqassaaq unioqqutitsisimaneq suuneri tunngavigalugit politinut tunniussisoqassanersoq, imaluunniit KNI A/S-imut tunngassuteqarpat suliffiup iluani misissuisoqaqqittariaqarnersoq.

Nalunaarutiginnittup attavigineqarnissamut paasissutissanik tunniussisimappat kingusinnerpaamik ullut arfineq-marluk ingerlanerini suliap tiguneqarneranik suliarineqarnissaalu qanoq ingerlanneqassangatsinneqarnersoq nalunaarutiginnittumut ilisimatitsissugitineqassaaq.

7.2. Sullissisussaq eqqortoq

Nalunaarutiginnikkuit nalunaarutigisat eqqartuussissuserisuniit Arctic Law Greenland ApS-imiit innersuussinertalimmik KNI A/S-imut pasinapiluttoqarneranik kalerriisinaatitsinermik aqqissuussami sulialinnut ingerlateqqissavaa, taakkulu suliaq sukumiisumik misissussavaat, inatsillu atuuttut aamma KNI A/S-imi politikkit naapertorlugit iliuuserineqartussat pisariaqartut iliuuserineqassapput. KNI A/S-imi pasinapiluttoqarneranik kalerriisinaatitsinermik aqqissuussami suliaqartut tassaapput:

- Aningaasaqarnermut pisortaaneq aamma
- Sulisoqarnermut immikkoortorta qarfiup pisortaa

Suliassaq tunngaviumik pasinapiluttoqarneranik kalerriisinaatitsinermik aqqissuussami suliaqartussaasunit suliarineqassaaq, aammali pisut ilaanni sullissisunit allanit matuma kingorna taaneqartunut suliassanngortinneqarsinnaavoq

| | |
|---|--|
| Nalunaarutiginninneq uunga tunngappat | Sullissisussaq eqqortoq |
| Pasinapiluttoqarneranik kalerriisinaatitsinermik aqqissuussami suliaqartussaasunit ilaappat | KNI A/S-imi pisortaaneq |
| Siulersuisuni ilaasortat imaluunniit KNI A/S-ip pisortaa | KNI A/S-imi siulersuisuni siulittaasoq |

| | |
|--|--|
| | |
| KNI A/S-imi siulersuisuni siulittaasoq | KNI A/S-imi pisortaaneq |
| Ersarinngitsut | Tamanna pasinapiluttoqarneranik kalerriisinnaatitsinermik aqqissuussami suliaqartut eqqartuussissuserisut peqatigalugit aalajangissavaat |

Matuma siuliani taaneqartut saniatigut nalunaarutigineqartup suussusaa apeqqutaatillugu sullissisup nalilersinnaavaa suliap suliarineqarnerata nalaani allat ilanngunneqassanersut, assersuutigalugu sulisoqarnermut immikkoortorta qarfik/sullivimmi avatangiisit, aningaasaqarnermut immikkoortorta qarfik IT-qarfik imaluunniit inatsilerituunik peqataatitsisoqassanersoq. Taamatut attaviginninneq allanut ingerlateqqinneqartussaangilaq, inatsisillu tunngavalugit piumasaaqaataangippat, eqqartuussivimmi aalajangiisoqarsimanngippat, imaluunniit oqartussat allat aalajangiisimanngippata, inuit pineqartut paasisutissanik ingerlatitseqqusaangillat.

Nalunaarutigineqartumik suliaqartussaq aamma inuit allat suliamut ilanngunneqartussat suliamut attuumassuteqarnerlutik tamarmik naliliisussaapput. Taamatut naliliineq suliamut attuumassuteqarnerluni nalilersuisarnermi piumasaaqatit nalinginnaasut atorlugit pisassaaq. Nalunaarutigineqartumik suliaqartussaq pineqartumut attuumassuteqarpallaarpat suliaasaq pisortaanermt, siulersuisut siulittaasuannut kingullertullu siulittaasup tullianut suliakkiutigineqarsinnaavoq. Illua-tungiusut allat, soorlu sulisoqarnermut immikkoortorta qarfimmi sulisut/sullivimmi avatangiisit, aningaasaqarnermik immikkoortorta qarfik, IT-qarfik imaluunniit atuuffiit allat suliamut tamarmik attuumassuteqarpallaarpat, suliaasaq sapinngisamik sulisumut allamut tunniunneqassaaq.

Pasinapiluttoqarneranik kalerriisinnaatitsinermik aqqissuussami suliaqartut eqqartuussissuserisut avataaneersut siunnersortissatut qaqugukkulluunniit ilanngullugit suliaqartissinnaavaat, suliap kimit suliarineqarnissaanut apeqquut aamma tunngatillugu.

8. Misissuineq

Nalunaarutigineqartoq tunngavissaqanngitsut itigartitsissutigineqassanersoq Arctic Law Greenland ApS-imiit nalilerneqaqqaassaaq. Nalunaarutigineqartoq ima iliinnarlugu itigartitsissutigineqarsinnaangippat taava tunngavissaqartoqarsimassaaq.

Nalunaarutigineqartoq tunngavissaqarsimassappat nalunaarutigineqartup misissuivigineqarnissaa aallartinneqassaaq. Tassunga atatillugu illua-tungeriit pisariallit ilanngunneqarsinnaapput, assersuutigalugu sulisoqarnermut immikkoortorta qarfik/sullivimmi avatangiisit, aningaasaqarnermut immikkoortorta qarfik pisariaqarpallu inatsisilerinerup iluani ikiorneqarneq.

Pisariaqalissappat teknikkikkut digitalikkullu uppernarsaatissat qularnaarneqassapput.

Sulisut allallu aamma apersorneqarsinnaapput kiisalu nalunaarutigineqartoq/nalunaarutigineqartut oqaaseqartinneqarsinnaalluni/-llutik. Uppernarsaatissalli aatsaat qularnaarneqareeraangata apersuinerit ingerlanneqassapput, taakkulu immiunneqassapput imaluunniit imaqarniliamut allanneqassallutik.

Misissuineq tunngavigalugu misissuisoqarsimaneranik nalunaarusiortoqassaaq, tassanilu pissusissamisuunngitsumik pisoqarsimaneranik uppersaatissarsisoqarsimanersoq paasissutissiissutigineqassaaq.

Nalunaarusiortoqareerpat nalunaarutigineqartup qanoq kinguneqartinneqarsinnaanera sullissisup nalilissavaa. Ima kinguneqartoqarsinnaavoq:

- suliap itigartitsissutigineqarnera
- atorfeqarneq pillugu oqaloqatiginninneq
- pissusissanik malinninnissamut kinguneqartitsineq
- soraarsitsineq
- ingerlaannartumik atuutilersumik soraarsitsineq
- politiinut nalunaarutiginninneq
- oqartussanut allanut nalunaarutiginninneq

Kinguneqartitsinerit ingerlanneqartussat pissapput nalunaarutigineqartup pisortaata, sulisoqarnermik immikkoortortaqaarfiup aamma/imaluunniit siulersuisut ilanngunnerisigut.

Pissusissanik malinnittoqarnissaanut suliaq tunngassuteqarpat sumiiffimmi naammagittaalliornissamut aqquutissaasut, suliassanngortitseqqinnermiluunniit periusaasut atorlugit nalunaarutigineqartoq suliassanngortitseqqissinnaavoq, tamatumani atorfeqarnermut atatillugu ilaasortaaffigisat attuumassutillit aamma eqqartuussiveqarfiit suliassanngortitseqqiinermit ingerlatitsivigineqarsinnaallutik.

9. Nalunaarutiginnittup kinaassusaa qanoq illersorneqarsinnaava?

Nalunaarutiginnittup ajunngitsumik isumaqarluni nalunaaruteqartuusup, imaluunniit pasinapiluttoqarneranik kalerriisinnaatitsinermik aaqqissuussinermi politikki naapertorlugu unioqutitsinernik KNI A/S-imut ikiuuttup akiniarneqarnissaa - pillarneqarnissaaluunniit - KNI A/S-ip qanorluunniit akuerinngilaa. KNI A/S-ip akuerinngilaa nalunaarutiginnittumut ajoqusiisinnaasunik assuarlerneqarnissaa, pillaatitut akiniarneqarnissaa, suliassaanik allannguinnissaq, sulisutut ajunngitsorsiassaani allannguneq, nalunaarutiginninnissamut piumasaqaatinik allannguinnissaq, nalunaarutiginnittup sulinermini periarfissaanik isigineqarneranilluunniit ajortisaarinissaq, matumaluunniit siuliani taasanik iliuuseqarnissamik siorasarineq piaaraluniluunniit taanngitsuugaqarnissaq. Inuit piaaralutik ajortumillu isumaqarlutik inummik allamik nalunaarutiginnittut pasinapiluttoqarneranik kalerriisinnaatitsinermik aaqqissuussinermi illersorneqanngillat. Inuit ajortumik isumaqarlutik nalunaarutiginnittut eqqartuussivimmi inuinaat saqitsaannerannut atatillugu imaluunniit pillaassutaasinnaasumik sulianut tunngasutigut kiisalu allaffissornerup iluani kinguneqartitsinertalimmik eqqortumillu pissuseqartoqarnissaanut tunngatillugu malersorneqarsinnaapput, tamatumani atorfeqartinneqarnerup atorunnaarsinneqarsinnaanera aamma pineqarluni.

Nalunaarutiginnittup kinaanera KNI A/S-imiit ilisimaneqaraluarpat ilisimaneqanngikkaluarpalluunniit nalunaarutiginnittoq akuersitissimatinnagu kina nalunaartuusimanersoq nalunaarutigineqartumut paasissutissiissutigineqarsinnaangilaq, tamannalu aatsaat pisinnaavoq inuinaat saqitsaattarneranni imaluunniit suliani pinerluttulerinermut tunngasunik suliaqartoqartillugu.

10. Suliamut tunngasut suut nalunaarutigineqartumut inunnullu allanut ilisimatitsissutigineqassappat?

10.1 Suliaq nalunaarutigineqarpat

Siulersuisut siulittaasuat taannaangippat nalunaarutigineqartoq pasinapiluttoqarneranik kalerriisinnaatitsinermik aaqqissuussineq atorlugu nalunaartoqarsimaneranik siulersuisut siulittaasuat ilisimatinneqassaaq - nalunaarutigineqartoq itigartitsissutigineqarsinnaangitsutut nalilerneqarpat, nalunaarutigineqartut ilaanni siulersuisut siulittaasuata tullia taarsiullugu ilisimatinneqarsinnaavoq.

Suliaq tunngavissaqanngitsutut nalilerneqarpat, imaluunniit misissuisoqarnissaanut tunngavissaqartoqarpat, tamanna iluatsillugu siulersuisut siulittaasuat ilisimatinneqassaaq.

Nalunaarutigineqartoq tunngavissaqanngitsutut nalilerneqarpat sulisumut nalunaarutiginnittuusumut tamanna ilisimatitsissutigineqassaaq.

Pasitsaanneqartutut nalunaarutigineqartunut tunngatillugu pasitsaassinermik nalunaarutiginnittoqarneranut paasissutissanik nalunaarutigineqartumut nassiussisoqassaaq. Paasissutissat ilaatigut makkuningga imaqaassapput:

- a) Pasitsaanneqartup pissusilersuutigisimagunagaa,
- b) Nalunaarummik KNI A/S-imi immikkoortortaqrarfiit tigusiumaartussat suunerat,
- c) Nalunaarutigineqartup inuttaata nalunaarutigineqartut suunerat qanoq paasiniarsinnaanerai akinissaminullu periarfissaqartoq aamma
- d) Qanoq pisinnaatitaaffeqarnerasoq.

Nalunaarutiginnittoqareerneranik paasissutissat piaarnerpaamik nassiunneqassapput, paasissutissallu pineraniit kingusinnerpaamik ullut qulit iluini. Taamatut paasissutissiinermi paasissutissiissutigineqartut pissutigalugit misissuineq sukumiisumik ingerlanneqarsinnaajunnaarsinnaappat, imaluunniit uppersaait pisariaqartut pissarsiarinissaanut ajornakusoortitsilissappata, taama pisoqarsinnaajunnaarnissaata tungaanut paasissutissat tunniunneqarnissaat kinguartinneqarneqarsinnaavoq.

Nalunaarutiginnittoqarnerani nalunaarutigineqartoq kisiat pinnagu, inunnullu allanut kinaassusersineqartunut aamma tunngassuteqarpat, paasissutissiinissamut tunngasut matuma siuliani nassuiarneqartoq tunngavigalugu inuit pineqartut aamma taamatut ilisimatinneqassapput. Taamatut paasissutissiinermi inuk nalunaarutigineqartoq pillugu ilisimatitsissutigineqassanngilaq.

10.2 Misissuinermit paasisat

Suliamut tunngatillugu misissuinermit nalunaarussiaq suliarineqareerpat, inuit pineqartut siulersuisullu siulittaasuat misissuinermit paasisanik ilisimatinneqassapput.

Pasitsaassaarneq aamma misissuineq pillugu allat aamma ilisimatittariaqalersinnaapput, soorlu isumaqatigiissuteqarfigalugit suleqatigisartakkat, oqartussat inatsisinik atuutsitsisussat imaluunniit oqartussat inatsisiliortuusut, tamannalu pisassaaq inatsisit atuuttut tunngavigalugit.

10.3 Paasissutissat suut nalunaarutiginnittup tigussavai?

Nalunaarutiginnittup kinaassutsiminik ersersitsinnginnissani qinersimangippagu, pasinapiluttoqarneranik kalerriisinnaatitsinermik aaqqissuussinermi suliaqartunut attaveqateqarniarluni aalajangersimappat, nalunaarutigineqartup tiguneqarneranik kiisalu misissuineq naammassineqarpat nalunaaruteqartoq ilisimatinneqassaaq, tamatumani misissuinerup inerneranik naatsumik paasissutissiisoqassalluni, pissutsit atuuttut suuneri inatsisillu atuuttut suunerat apeqquataatillugit misissuinerup imaluunniit misissuinerup inerneranik paasitinneqarsinnaannginneq pisinnaasoq.

11. Inuit nalunaarsorsimasut qanoq pisinnaatitaaffeqarpat?

Nalunaarutigineqartumi inuit pineqartut inullu nalunaarutiginnittoq nammineerluni paasissutissat imminnut tunngasut takunissaannut pisinnaatitaaffeqarput, taamalu ililluni paasissutissat kukkusuusut, eqqoqqissaanngitsuusut, tamakkiisuunngitsuusut imaluunniit pisoqalisimasuusut uppersarneqarsinnaappata taama ililluni paasutissanik misissuisoqarsinnaaqqullugu iluarsisoqarsinnaaqqullugulu.

Takunnissinnaanermik piumasaqarneq akuerineqarpat akuerineqassappallu inummut tunngatillugu nalunaarsukkat pillugit makkuninnga paasitinneqassaaq:

- a) paasissutissat suut suliarineqarnersut
- b) suliarineqarnerata siunertaa
- c) paasissutissat sumut tunniunneqarsimanersut, aamma
- d) paasissutissat suminngaanneernerinut paasissutissat sumi pineqarsinnaasut tamaasa.

Inuup pineqartup paasissutissanik pinermini tamanut, inuinnarnut imaluunniit suliaq paasisaqarfiginissaanut akornutaasinnaappata suliamut tunngatillugu takunnissinnaanermut pisinnaatitaaffik atuutinngilaq.

Sulisooq nalunaarutigineqartuusooq paasissutissat suliami sulisup nalunaarutigineqartup isumaa naapertorlugu eqqoqqissaanngitsuusut, tamakkiisuunngitsuusut, arlariinnik paasineqarsinnaasut imaluunniit pisoqalisimasuusut oqaasertalerneqarnissaat piumasaqarsinnaavoq.

12. Paasissutissat inummut tunngasut qanoq pineqassappat?

Nalunaarutigineqartumut tunngatillugu sulisut suliaqartussat suliamut tunngalluinnartuusut kisimik misissuinerup akuutinneqassapput kiisalu paasissutissanik tunineqartussat sapinngisamik ikinnerpaatinneqassapput. Paasissutissanik piniarluni isertoqarpat taamatut isersimasumut paasissutissat siviunerpaamik ulluni 180-ini systememiissapput, kingorna nammineerluni piivilluni piissaaq.

Nalunaarutigineqartut tamarmik isumannaatsumiitinneqassapput, inuillu suliaqartussat kisimik nalunaarutit pissarsiarinnaavaat. Paasissutissat elektroniskiusut isertaaseqqaarluni iserfigineqarsinnaapput, antivirusinut illersuusigaallutik kiisalu qarasaasiamik isumannaatsumik

atuinissamut firewall-imik illersuusigaallutik. Paasissutissat assaannarsorluni pigineqartut parnaartartumi uninngasuutigineqassapput.

Pasinapiluttoqarneranik kalerriisinnaatitsinermik aaqqissuussinermi paasissutissanik pininnaasut kikkuunerat KNI A/S-imi nalunaarsugaatigineqarpoq.

Paasissutissat katersorneqartut tunngavigalugit sulisup nalunaarutigineqartup iliuuserisimasaanik kinguneqartitsiffigineqarpat, imaluunniit sulisumut paasissutissat uninngasuutigiinnarallarnissaannut pissutissaqarpat, paasissutissat inuttaanut tunngasunut katersanut toqqorneqarnissaat sullissisup isumagissavaa.

Pasinapiluttoqarneranik kalerriisinnaatitsinermik aaqqissuussami politikki atuuttoq tunngavigalugu inummut paasissutissat suliarineqassapput, nalunaarutigineqartullu misissorneqarnerata nalaani suliallu ingerlaqqinnissaanut pisariaqartinneqartuartillugit toqqortaatigineqassapput. Pissusissaanngitsumik iliortoqarsimanngitsoq misissuinermi paasineqarpat paasineqarniariartut inummut paasissutissat nalunaarsorneqartut peerneqassapput, misissuinerullu naammassineraniit kingusinnerpaamik qaammatit marluk qaangiunnerini peerneqassallutik, paasissutissalli KNI A/S-imut nassiunneqarnissaat naleqquppat peerneqannginnerini nassiunneqaaqqaassapput.

Pissusissamisunngitsumik pisoqarsimaneramik uppersaatissaqarpat eqqartuussivilersuussinissamut, imaluunniit nalunaarutigineqartumut pissusissanik malinninnissamut kinguneqartitsisoqassappat - imaluunniit nalunaarutiginninneq nalunaarutigineqartumut ajortumik isumaqarluni nalunaarutiginninneruppat - suliamik aallartitsinissamut piffissaliunneqartut assigiinngitsuupput. Kinaassutsimik malunnarunnaarsaasoqarsimappat inummut paasissutissat pigiinnarneqarsinnaapput.

Pasinapiluttoqarneranik kalerriisinnaatitsinermik aaqqissuussinermut politikkimut tunngatillugu apequtissaqaruit KNI A/S-imi pasinapiluttoqarneranik kalerriisinnaatitsinermik aaqqissuussinermut komité-mi ilaasortat arlaat attavigisnnaavat.